

正法念處經

第二十八

二百九十一
誠八

49663



元祿九年丙子二月日重修

皇圖聖圖 帝階級昌

佛日增輝 懋輪常轉

山城州天安寺法金剛院置

正法念處經卷第二十八

元魏婆羅門瞿曇般若流支譯

觀天品第六之七

三十三
天之四



復次比丘知業果報觀三十三天所住之地
彼以聞慧見三十三天第十一地名雞嶮岸
衆生何業生於彼處彼聞知是若人持戒利
益衆生福德熏心或功德人持戒智慧或復
病人施其一食自不殺生若空樹中或有蟲
蟻種種細蟲若種種放牧牛羊象馬駝驢之
人或冬寒時冰雪霜降於曠野中放火焚燒
若有善人或以水土滅此燒火見作勸止自
不故作設作改悔不生隨喜為疑恐怖令住



善法令彼衆生住於善法自不偷盜亦不教
 人如是之人命終生於離嶮岸天其地金銀
 種種赤寶以為廁填如是種種金銀雜寶雜
 業莊嚴種種衆寶種種廁填種種寶樹以為
 莊嚴種種禽獸莊嚴其地處處皆有禽獸之
 類遍嶮岸地一切園林無量七寶以為莊嚴

談
正法念處經文

離嶮岸天住此林中莊嚴之具如融金聚百
 千天女以為園遠受五欲樂隨其住處身出
 光明岸樹光明亦如天身於此林中遊戲受
 樂與諸天女往詣河林其河兩岸多諸金樹
 黃金為葉以樹光明令水黃色悉無白色其
 流駛疾不見白色於園林間天子天女遊戲

受樂天作是念今此樹中應出美飲以善業
故隨其所念即時流出種種美飲色香味具
以諸寶器而用飲之飲天上味受天快樂見
諸天女愛火所燒以樂覆故而不覺知天子
復念我今欲聞種種音聲以善業故隨其所
念有風動樹出妙音聲勝五樂音天子復念
今此樹上應當出於須陀之味以善業故隨
其所念即於樹上猶如大器盛物寫之從上
而下石蜜之味不得為比天子食之歌衆妙
音往詣寶地諦觀瞻視常樂念欲至寶地中
受五欲樂捨此地已復詣普林其普林中有
七種鳥真金七寶以為鵝鳩因陀青寶以為

鸚鵡翅多赤寶以為鴛鴦毗瑠璃寶以為鳧
鴨青寶碑磔以為孔雀大青七寶為命命鳥
珊瑚銀寶為迦陵頻伽其聲美妙如婆求鳥
音衆所樂聞翱翔空中遊戲自娛其音美妙
如天女音於蓮華池衆蜂莊嚴遊戲其中復
於陸地翱翔遊戲復有金樹種種葉影映飴
鳥身誠天見衆鳥發歡喜心耳聞其音心意悅
樂天子行空與鳥遊戲或於水中與鳥遊戲
或於陸地與鳥遊戲如是天衆與鳥遊戲天
子天女互相娛樂天鳥儔匹遊戲受樂比丘
觀鳥受天樂已而說頌曰

畜生行欲癡力所作 天若如是 畜生無異

人受富樂 不著放逸 是智慧人 愚者相違
放逸將天 至於地獄 智者所說 放逸如毒
愚癡放逸 著現在樂 放逸果熟 後生大悔
觀於放逸 無少利益 若捨放逸 常無憂惱
放逸大苦 不放逸樂 舉要言之 應捨放逸
若人愛苦 應行放逸 樂行於逸 終無樂報
樂不放逸 至不退處 不行放逸 常無苦報
此諸天衆 與鳥遊戲 天與畜生 等無差別
界道身意 一切皆壞 天人非人 地獄餓鬼
意差業別 業別道分 諸業分異 道亦如是
種種雜業 生於天中 樂著放逸 不覺退歿
死相既至 汝當自知 於天中退 受大苦惱

為癡所害 放逸所誑 諸天渴愛 隨於地獄
戲樂自誑 隨於地獄 受天樂已 後受大苦
為心所惑 不厭生死 為愛所欺 從苦入苦
比丘如是 以是偈頌 呵責放逸 諸天子等 貪
於五欲 不知厭足 如火得薪 乃至受善業盡
從天還退 隨業流轉 隨於地獄 餓鬼畜生 若
誑 正法念處經十八
有善業 生於人中 常受安樂 飲食充足 國土
豐樂 五穀熟成 或為王者 或為大臣 以餘業
故 復次 比丘 知業果報 觀三十三天所住之
地 彼以聞慧 見三十三天 第十二地 名谷崖
岸 此諸衆生 以何等業 生於彼天 彼聞知見
若人善心 修行福德 施坐禪人 得初禪者 自

施其食教人施食施已隨喜教他隨喜是名
布施不殺不盜若人道行并泉池流施水之
處施其瓶灌飲水之器供給行路復有異人
教他盜取持度曠野汝若不取必當渴乏今
時其人雖知渴死畏犯罪故不受其教不盜
財物亦不隨喜勸人不取令住善道乃至失
命不犯偷盜云何不殺自行不殺勸人不殺
毀訾殺法若屋窓牖若戶扇間若屋梁上有
微細蟲若燃火時懼傷其命不閉戶牖是名
不殺復教他人令行不殺住於善道如是之
人命終生於三十三天谷岸岸天受善業報
有一林樹名隨時低其林種種衆寶光明青

毗瑠璃清淨無垢種種衆鳥出妙音聲常
開敷流泉河池以為莊嚴青毗瑠璃以為蓮
華莊嚴金峯如融金聚雜色衆鳥遊集其中
或於水中或於陸地或於山峯峻峯山窟出
衆妙音善業所化受善業果種種天女之所
圍遠天鬘天衣以為莊嚴色相威德端嚴殊
特於此林中歌舞遊戲以善業故林中誠天鳥
而說頌曰

衆生造善業

天中受快樂

若造不善業

地獄受苦報

既生於天中

而能自覺悟

從樂得樂果

不為愛所惑

業繩縛衆生

長在三有獄

業力自在轉

如轂轉衆輻

輪轉於三有 八方及上下 業力風所吹

如塵遊虛空 因緣之所生 如蓮華莊嚴

如是天莊嚴 皆從善業生 譬如清淨水

如虛空無塵 如是清淨心 能至安樂處

解脫三縛人 能護於五根 遠離一法人

天中受安樂 無慚無愧人 不調惡知識

如毒亦如火 智者應捨離 實語行施人

常應樂親近 常慈心衆生 此道生天中

直心不諂曲 布施修正念 以是自業因

來生此天中 世間一切命 皆由法非法

救護無過法 是故應行法 若人捨離法

樂行不善業 為惡之所燒 受苦無窮盡

既得生天已 若縱放逸心 其人善業盡

退時乃自覺 究竟樂為勝 無生亦無死

死網縛衆生 無有安樂處 隨其受樂處

愛心轉增長 愛火燒衆生 地獄受苦報

勿得行放逸 諸天所不應 放逸過所壞

退失於天處

如是誠天鳥正法念處經云說此法時天子心亂念諸五天女於

利益法不聽不受渴愛五欲心意耽著於運

華池遊戲之處歡娛受樂復往山峯名樂遊

戲山峯有鳥名曰戲樂遊戲池中互相娛樂

時天見鳥作如是念奇哉此鳥種種衆色種

種種音聲勝一切鳥是時天子復作是念我今

乘鳥遊觀林池天既念已即時鳥身自變鹿
大介時天子以手摩捫乘之遊空翱翔受樂
天子復念於鳥背上化七寶殿園林華池皆
悉具足種種衆鳥以為莊嚴上乘虛空與諸
天女種種莊嚴處處遊戲受種種樂遍觀諸
天所住之處既觀察已轉增愛著足百十倍
不可為比如是愛火六欲熾然不可調伏每
愛為樂實為大苦乘鳥遊戲虛空五樂音聲
歌頌之音其聲美妙不可譬喻遍見一切天
子天女於須弥山園林池流山谷樹林蓮華
遍覆多有衆鳥皆悉見之一一住處無量百
千諸天所住處處觀之猶不厭足諸根愛著

貪著五欲歡喜無厭愛心增長如是多時乘
鳥遊戲觀須弥山王六萬諸山善業諸天之
所住處無量寶炎光明莊嚴甚可愛樂須弥
四面有四種色謂毗瑠璃白銀黃金頗梨之
色此天遍行觀須弥山乘於鳥殿還其所止
至其住處如天所念色相莊嚴是時天子復
乘鳥殿誠至摩正法念處經十八時多池其池周匝廣五由旬青
毗瑠璃種種蓮華以為莊嚴鳥至此池與諸
天女受五欲樂猶如衆蜂貪嗜華味飲於摩
偷食須陀味色香美味皆悉具足服天寶衣
與諸天女遊戲受樂乃至受善業盡從天命
終隨業流轉墮於地獄餓鬼畜生若有善業

得生人中常受富樂多有乘騎遊戲之處或
為王者或為大臣人所敬愛以餘業故
復次比丘知業果報觀三十三天所住之處
彼以聞慧見第十三地名摩尼藏衆生何業
而生此天彼聞知見若有善人利益衆生不
殺不盜亦教他人令住善道自不殺生乃至
見於酒蜜之中有濕生蟲若不漉治終不放
飲不教他作亦不隨喜知不善業捨而不作
見他作惡捨不親近勸令修善是名不殺生
云何不盜乃至入於塔廟若有供養佛塔燈
明不以此光營作衆事亦不取烟以為書墨
微細之罪悉皆畏懼是名不盜復有不殺及

不偷盜不殺生者乃至蚊蟻觸於人亦不
殺害心不念殺若見他殺勸令放捨語其人
言若殺生者是不善業命終當墮活地獄中
如是教他令不作惡安住善法如是善人自
持禁戒令他住戒若行曠野若飢饉世以飲
食施若其飢餓困逼之時不盜他食於曠野
中貧窮飢困乏少食糧者能減己食誠正法念處經云施諸貧
人以思心福田二事勝故得大果報以時施
故何以故病之大者無過飢饉是故施食得
大果報如是二種持戒之人自利利他善心
直行第一善人乃至小罪常懷大懼以衆寶
珠施於父母或以珠瓔施如來像是人命終

生三十三天摩尼藏地生彼天已受第一樂
五欲自娛是善業人威德光明皆悉普照五
百由旬譬如日出普照衆山此天光明照一
切地亦復如是其衆寶地先具光明如是天
子身光既照百倍轉勝其諸光明青黃朱紫
如天虹色其身光明百倍轉勝莊嚴殊妙以
善業故身如電光勝諸天衆如衆星中月最
第一此天之身亦復如是遍身光炎自觀寶
地其地皆以種種摩尼以為莊嚴種種間錯
分齊分明一切光明猶如百日一時同照天
子見之生大歡喜復觀異處見諸天女妙色
具足以不可譬喻種種衆寶以為莊嚴受諸

欲樂鼓樂弦歌笙笛篳篥如是種種歌衆妙
音或有舞戲天鬘莊嚴或於華池與鳥遊戲
或食天菓復於意樹取諸華菓歌欲樂音令
衆歡喜天子既至見諸天女為諸欲境惡虵
所螫從坐迴顧向諸天女諸天女等天鬘莊
嚴天子見之欲火燒心迴顧天女時諸天女
誠正法念慮經下八見其丈夫命將隨終五死相現猶如衆蜂捨
於萎華赴新開華諸天女等捨本所事趣此
天子亦復如是種種天鬘種種天衣以自莊
嚴以愛欲心娛樂天子令心喜悅是退天子
以無始來習諸愛欲見其天女背叛異趣心
生熱惱如阿鼻獄猛火燒身見諸天女背已

趣他其心熱惱亦復如是從天命終以嫉妬
心自害其身有報將盡取緣濁心更無所見
退墮地獄餓鬼畜生以何因緣見諸天女叛
已趣他生大苦惱以於前世人中之時邪行
非禮犯他婦女以作善業生於天中侵他妻
故見斯惡業如是善業之中惡業成熟是故
微少惡業所不應作若能奉持七種之戒不
缺不漏則有餘果夜摩諸天見退沒相則不
如是未來世報略而說之不復廣說諸天女
衆天鬘莊嚴速往詣於初生天子以諸天鬘
而用上之令其莊嚴華鬘香氣色香具足無
有萎變令初生天子著此華鬘天子著之心

生歡喜即相親近共遊園林互相娛樂於此
地處天衆所住見清淨水毗瑠璃華真金為
葉金剛為鬚百千衆蜂以為圍遶其蜂或以
真金為翅毗瑠璃身白銀為翅真金為身亦
寶為翅雜色為身珊瑚為翅常於如是不萎
不變蓮華池中遊戲娛樂其聲清妙如天女
音誠如是衆蜂以為莊嚴天子天女入蓮華池
遊戲受樂歌詠戲笑久於池中娛樂受樂後
往詣於金鬚樹林二樹弥覆既至林中種種
伎樂出妙音聲見須弥峯如融金聚見諸天
衆在於山峯與諸天女伎樂自娛天鬢天衣
以為莊嚴閻浮檀金以為瓔珞莊嚴其身於

蓮華池優鉢羅池種種香味皆悉具足天子
天女遊戲受樂鵝鴨鴛鴦大力師子悉為行
列諸天在中遊戲受樂復見天衆行於處空
與諸天女猶如明燈歌頌美音以自娛樂雨
衆妙華受天快樂五樂音聲歌戲娛樂復見
天衆飲天美味無有醉失各說愛語以相娛
樂令心喜悅復見天衆食須陀味以自善業
所得果報色香味觸皆悉具足復見天衆於
七寶樹採七寶華以自莊嚴復見天衆採華
摘菓或有食者或相打擲以無戲笑共相娛
樂復見天衆乘於天鳥衆雜七寶以為莊嚴
乘此鵝鳥遊於虛空互共遊戲復見天衆歌

衆樂音於天子前諸天女衆舞戲娛樂以天
蓮華互相打撲以生欲心言說調謔增愛境
界初生天子見如是等種種天衆種種業化
心自思惟我雖見此眼不知足聞種種聲耳
亦無厭種種衆香鼻亦如是種種六味舌無
厭足身貪細觸天衣妙服莊嚴塗身亦復如
誠是不知厭足一切愛法心常隨順我今愛樂
正法念慮炬火
當受斯樂既思惟已互相愛樂如天所應受
五欲樂如是天子六愛著心一切愛火圍繞
焚燒譬如有人於盛夏日極熱之時行於曠
野大火卒起燒諸乾草樹葉枝條山谷林樹
一切火起憶惶怖走逃避無地其火炎熾四

面圍遠同為一炎燒一切林隨其所趣烟炎
俱起為火所燒不能免雜世間一切愚癡凡
夫亦復如是乾草樹枝愛火所燒將至天中
業造之人結使癡風吹大愛火修禪習觀得
世俗禪喻乾枯樹山谷草葉愛火所燒猛熾
火者喻六種憂慮處處走者喻於諸根染著境
界其焰熾然憶念境界猛風所吹愛火所燒
破壞天人世間火者喻於愛火天善業故受
於無量百千種樂乃至受善業盡從天還退
隨業流轉墮於地獄餓鬼畜生若生人中住
於寶地一切眾寶以為莊嚴而生其家或為
大王或為大臣常受安樂眾人所愛子孫具

足豐饒資具以餘業故

復次比丘知業果報觀三十三天所住之地

彼以聞慧見第十四地名曰旋行衆生何業

生於彼地彼以聞慧見有衆生不殺不盜見

他作者勸令不作說不善業得惡果報云何

不殺乃至草葉若於水中見微細蟲護之不

食若誠不漉水終不故飲漉水之蟲十一不棄乾地

還置水中令蟲安隱不失其命亦教他人令

住善道云何不盜若甘蔗田若菓若菜若菴

婆羅他所攝物不起盜心亦教他人令不偷

盜自持禁戒教他持戒云何持戒不殺不盜

乃至失命不飲虫水亦不受用亦教他人令

其不作是名不殺生云何不盜乃至草葉亦
不故盜行於布施若見病人施其醫藥令得
安樂亦復不以殺蟲之藥與他治病是善布
施乃至涅槃具福不盡是人命終生三十三
天施行之地既生之後以善業故一切衆寶
光明旋轉殊勝天女以為供養既供養已詣
光輪林種種音樂林中有鳥名莊嚴樹充滿
林中以鳥勢力隨其心念欲有所至飛於虛
空林亦隨行若諸天子在於樹下亦隨林行
隨所到處生蓮華池衆雜蓮華以為莊嚴毗
琉璃葉真金為莖白銀為鬚蓮華臺上諸天
女等歌衆妙音以善業故其蓮華中流出摩

偷

摩偷者美飲俗名為酒

天女飲之與蓮華臺諸天子

等住蓮華臺天女圍繞共飲摩偷久受樂已

從空而下與鳥相隨及天女眾詣優鉢羅殿

其殿縱廣滿二由旬如是百千優鉢羅華一

一天女住一葉端歌舞伎樂復有青色優鉢

羅華以華青光令諸天女皆作青色若在赤

色令諸天女皆見赤色身莊嚴具亦復如是

誠正念處經火

十二

天子天女坐蓮華臺以善業故與諸天女而

共圍繞坐蓮華鬚手擎種種雜色寶幡歌舞

遊戲久受天樂從華臺下見雜娑羅殿河名

樂見兩岸多有眾寶之樹枝葉具足莖幹成

就種種眾鳥紫翅端正婆求之音莊嚴河岸

隨天所念從河而出其河莊嚴天女歌舞甚
可愛樂互相娛樂天子來詣如是愛河天女
見之皆大歡喜歌舞戲笑作衆伎樂有異天
女作衆伎樂來詣天子是時天子見諸天女
顏色妙美百倍愛著走趣天女與此天女及
優鉢華諸天女等河岸遊戲諸天女等一切
同集作衆伎樂出妙音聲其歌音聲遍滿須
弥山王寶峯之中時山峯中一切天衆聞是
妙音皆來集會心意戀著天女歌音天子天
女大衆和合不起嫉妬歌舞遊戲復往詣於
遊戲園林久受無量百千種樂乃至受善業
盡從天命終隨業流轉隨於地獄餓鬼畜生

若生人中常受安樂常樂澡浴塗香末香愛
衆蓮華優鉢羅華拘牟頭華俱迦那陀華質
直聰慧愛樂正法或為國王或為大臣或作
長者或主城忒或為導師治生諧偶以餘業
故

復次比丘知業果報觀三十三天所住之地

誠正法念處經第八

彼以聞慧見第十五地名曰金殿衆生何業

十三

生於彼處彼以天眼智慧觀察見持戒人不
殺不盜云何不殺若見怨家欲來害已或有
他人侵其妻室雖捉擒獲不打不害放捨令
脫輒言慰喻或見有人欲害怨家以財贖命
令其得脫復有惡人已捉擒獲放之令去而

不加害如是惡人獲至其家欲侵欲害而獲
擒獲還即放之而不加害以護持戒畏業果
故怨家持刀欲來殺人護彼怨家令其得脫
不被殺戮畏破戒故自捨身命不害他人是
名不殺云何不盜不盜幾種此持戒人乃至
小罪生大恐怖畏業果報不造惡業修行善
業復有不盜見於小罪行至微塵心生恐怖
或詣塔寺或至園林閑靜讀誦經行之處或
至水邊不取他物種種鞋屣悉不敢取他所
不聽亦不受用以護戒故若晝若夜不起盜
心是名不盜是名不殺不盜云何住戒捨於
不淨不愛不樂不善之法持戒清淨善人所

愛如實不虛如是持戒生於天中必至涅槃
隨心所願成三菩提是持戒人若行曠野若
獨若伴若行道路若行非道若見惡獸懷妊
產子為飢所逼欲散其子是人見之自捨其
身與此惡獸欲令殺已不食其兒是持戒人
為續其命憐愍衆生自捨身命孝養父母云
誠何布施若持戒人貧窮困乏勤苦得物十四順法
持戒或有沙門起於滅定來至其家從其乞
求如是貧人減其妻子所食之分有少飯食
施此比丘自屈一日見其食已心生歡喜復
教他人不殺不盜住於善道見作隨喜是持
戒人自屈利他命歿之後生三十三天猶如

香氣生於金殿是善業人生彼天已受欲樂
地黃金為殿一切衆寶以為莊嚴帝釋見已
生希有心百倍受樂以偈頌曰

上上之樂 善業善果 諸天所受 先世業故

四輪之殿 駕以象馬 智慧為鈎 殿光如日

持戒之善 遊於天上 憐愍衆生 如母愛子

慈悲之人 能至天中 行慈悲者 饒益衆生

常應供養 後生天中 悲愍調伏 利益衆生

是人如是 諸天敬仰 慈悲之人 端嚴如月

覆護衆生 離於憂惱 是故勤加 修行求樂

時天帝釋說此偈已入其金殿坐柔軟敷種

種種形相以為莊嚴與諸天衆俱坐其上天女

樂
圍繞久時受樂種種色身種種莊嚴而相娛

時天帝釋復出金殿詣一切樂林種種天衆

百千圍繞種種伎樂出衆妙音其諸天衆出

大光明隨天帝釋去林不遠見遊戲處無量

百千光明莊嚴金毗瑠璃以為其樹光明赫

炎周遍莊嚴其遊戲林中種種莊嚴不可譬

喻今說少分譬如七日俱時並出其林光明

亦復如是其諸光明有種種色青黃朱紫白

色諸光其林莊嚴遊戲之處光明赫炎帝釋

見已告諸天衆汝等見是一切戲樂遊戲之

處圍繞莊嚴不唯然已見時天帝釋語諸天

誠正法念處經十八

十五

衆過去之世頂生大王於此林中與天帝釋
分座而坐遊戲受樂無量天女之所圍繞主
四天下時二天王受於無量百千萬億五欲
之樂猶不知足從天還退時頂生王以善業
故於此林中光明威德端正勢力我今說之
汝當善聽於過去世有頂生王主四天下不
加口杖亦無刑罰欲無厭足以先世善業來
上此天其身光明勝須弥山過踰十倍一切
天光至其光中皆滅不現時四天王見頂生
王即出奉迎白頂生言善來大王我今放出
奉迎大王應修供給時頂生王受其供已復
上三十三天是時頂生光明威德猶如日光

人中最勝在此天中亦復如是時四護世天
自見光明悉不復現恠未曾有告諸天曰此
頂生王至此三十三天或是其身威德之力
或是輪力非餘天力亦非人力勿起怖意此
人順法為轉輪王護世說已時頂生王到三
十三天誡爾時帝釋遊戲在於一切樂林娛樂
正念處經第八
受樂遙見頂生即分判座命之令坐十六爾時頂
生即與帝釋共坐一牀二王久時受五欲樂
業盡還退爾時三十三天遊戲之處無有及
此一切樂林其林殊妙無量衆寶以為莊嚴
光明如日時天帝釋說是語已與百千天女
而自圍繞入一切樂林既入林已天子天女

八
娛樂受樂食於種種須陀之味既飲食已昇
七寶殿其殿光明威德端嚴猶如日光種種
樂音還善法堂帝釋去已舊住諸天受五欲
樂乃至受善業盡墮於地獄餓鬼畜生若生
人中常值善世不值刀兵生好國上園林具
足稻麥甘蔗菓具足大富之處常值正法
或為大王或作大臣為一切人之所愛敬端
正第一諸根成就子孫具足以餘業故
復次比丘知業果報觀三十三天所往之地
彼以聞慧見第十六地名曰鬘影衆生何業
而生彼天彼以聞慧見此衆生善業善心不
殺不盜云何不殺云何不盜幾種不殺幾種

不盜不殺生者自不殺生若種種魚鱉若珂
若具不取不賣見殺生者教令住戒見他作
者心不隨喜勸令安住善道之中是名不殺
生云何不盜若此善人以清淨心真心持戒
不以貪心或佛塔廟或於僧中燒香之處不
襲誠香氣不以方便令熏其衣若香至鼻心不
貪正法念處經云著是名微細不偷盜戒見他作者勸令不
作令住善道如是衆生自利利他以何等心
利益衆生見殺生者如殺已見觀諸蟲蟻亦
復如是亦教他人令住善道云何布施若貧
窮人勤苦得財以用布施持戒行人得初禪
者在器之食分半施之亦教他人令行布施

如是之人自利利他命終之後生鬘影天既
生天已樹名鬘影其光明輪周遍園林其樹
華香滿一由旬勝餘華香其華脩長若以一
華則成首鬘其華雜色種種莊嚴青黃赤白
繁茂鮮榮復於園林受五欲樂伎樂音聲欲
樂具足隨心所欲皆悉成就種種殊異無量
成就以善業故一切成就復於林中有蓮華
池名曰雜華有大勢力生諸蓮華華常開敷
七寶色蜂以為莊嚴蓮華池中種種衆蜂出
妙歌音天子天女聞蜂歌音皆大歡喜共相
謂曰奇哉此蜂出妙歌聲令我心悅如是衆
蜂歌衆妙音復有鵝鳥皆以其翅扇蓮華池

令華勃起如黃金色遍覆池水鳧鴨見之歡
喜走趣出妙音聲如是華池多有衆鳥天子
天女以歡喜心捨衆樂音往詣衆鳥遊戲受
樂復往詣於行列宮殿遊戲之處其諸宮殿
七寶為柱金銀瑠璃磈磈頗梨以為莊嚴其
地多有種種夫女遊戲受樂天寶莊嚴天梅
檀末談正法念處經十八以塗其身共相娛樂不起嫉心互相愛
樂離於妬心受自業果種種地中以種種業
而生其中受自業果遊戲受樂復往詣於如
意之樹其樹勢力隨天所念悉皆得之於此
林中飲食河流第一色香衆味具足以歡喜
心遊戲河中食須陀味既飲食已百倍悅樂

復往詣於青蓮華林其華第一色香味具於
華葉中流出摩偷美味之飲猶如酒糟酒流
而出其色青綠如分陀利黃分陀利出黃色
飲瑠璃色華出瑠璃色飲頗梨色華出頗梨
色飲硨磲色華出硨磲色飲雜色之華出雜
色飲雜色葉華毗瑠璃莖金剛為鬚如是種
種諸飲從華流出香味第一諸天飲已復往
詣於一切觀林遊戲娛樂到此林中悉見一
切三十三天所住之地一切觀林甚可愛樂
於此林中有蓮華池名曰普流廣三十里清
淨之水湛然充滿如瑠璃色鵝鴨鴛鴦周匝
圍繞一切衆鳥皆如金色七寶為背珊瑚為

足赤寶為目雜寶莊嚴其音美妙遊戲舞弄
時諸天子詣遊戲處金色之鳥出妙音聲天
子昇於金殿之上其殿光暉如融金聚各相
謂曰汝見諸天於戲之處令諸天眾其身光
明黃色轉妙過於兩倍於此殿中遊戲自娛
受誠五欲樂貪愛境界而無厭足如火益薪轉
正念處經十八
更增熾諸天受於色聲香味觸亦復如是
知厭足於此天中受五欲樂乃至受善業盡
命終還退隨業流轉墮於地獄餓鬼畜生若
有餘業生於人中常受快樂華鬘塗香以為
莊嚴坐以末香心常歡悅或為王者或為大
臣大富饒財為一口人之所愛敬無有怨敵

亦無煩惱以餘業故

正法念處經卷第二十八

誠

息音扶倚音匹上音流嗜音示漉音治上音鹿分音齊二

並音去整音呼各音反一音背叛音下調音話上音非莖音乾

下音古城音戍下音詩懷音姪下音而勃音起上音蒲沒音反坐

蒲音悶誠正法念處經下八

山城國綴喜郡新村

靈瑞山剛恩菴沙門宗桂書寫之

